

heren unde vrowen, de van unsen vorscrevenen herschopen unde van al usen veranen vorstorven syn.

Uppe dat desse erghescrevenen heren, de deken unde de canonike, de an desser nygen canonyge van beydent syden rede belenet syn unde de van uns, unsen erven eder van usen nakomelingen dar noch belenet werden, desset vorscrevene goddesdenst unde dechnisse duste innichliker, vlitliker unde bequemeliker oven unde holden mogen unde de canonyge ewigliken bestande blive: so hebbe wy beghavet unde bewedemet desulven canonyge, de dekenyge unde de twolf provende to dem ersten myd al dem gude, ghulde unde rente, de to den vorscrevenen kerken, beyde to Mandeslo unde uppe der Nygenstad to Honovere, rede van uns unde van anderen heren unde vromen luden an de ere Goddes ghegheven unde vryget syn nach ghyfte unde utwisinghe orer breve, de se to beydent siden darup hebben; wente alle breve, privilegia unde gnade, de de beyden kerken hebben van pavese, van bischopen, van uns sulven, van der kerken tho Mynden, van archydyakenen, van kercheren, van ridderen, knechten unde anderen guden luden, de en schullet hirmede nicht gebroken wesen, men se schon blyven stede unde vast an aller craft unde macht, also se er gewesen hebben, men allene dat de lenware to uns unde user herschup kome.

Vortmer so hebbe wy sunderken begavet de nygen canonyge myd al dem gude, ghulde unde rente, de to der cappellen suncte Gallen, de up dem slote to Lowenrode gelegen hadde, unde myd demsulven slote to Lowenrode gans unde al vorstoret is, de ok van unser herschup to lene gheynt, dat gud, de rente unde gulde syn belegen bynnen Honovere eder en buten, an hoven, husen, koten, tegheden, hoven, an holte, an velde, an watere, an wischen, an weyde, an wasse, an wastinzegen luden, an gharden, an penninchgulde eder wo dat geschapen sy unde wor dat gud dersulven cappellen belegen sy, dat wy der canonyge uppe der Nygenstad to Hono-